

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCCXXXIII.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCCXXXIII.

LITERÆ MAXIMILIANI REGIS ROMANORUM, QUI-
BUS CHRISTOPHORUM MARCHIONEM LOCUMTENENTEM
SUUM GENERALEM PER DUCATUM LUXENBURGI-
CUM ET COMITATUM CHINIACENSEM
CONSTITUIT.

ANNO MCCCCLXXXVIII.

Ex Tabulario Badensi.

MAXIMILIAN par la grace de dieu Roy des Romains tousiours
Auguste Et Philippe par la mesme grace Archiducz daufrice
ducz de bourgoingne & lothr. . de brabant, de Lembourg de luxembourg &
de geldres, Contes de flandres de Tirol Dartois de bourgoingne, Palatins de
haynnau de holand de zeland de Namur & de zutphen, Marquis du
fainct empire Seigneurs de frize de Salins & de Malines A tous ceulx
qui ces présentes lettres verront salut. Comme pour pourvoir au
defordre, qui dez longtemps a esté & encor est en noz pais & duce de
luxembourg & conte de chiny tant pour les guerres & diuisions que y
ont este comme pour la multiplication & diuerfité des officiers que y
font que ne veulent faire ayde ne assistance les vnx aux autres Ains con-
tendent chacun a son prouffit particulier, soit besoing de commettre &
ordonner vng Chieff es dits pais, qui ait pouuoir de ordonner & con-
duire toutes choses au bien prouffit & vtilite de nous & de noz subietz

diceulx pais. Sauoir faisons que pour les fens, discretion, vaillance & prudence que par experience congnoissons estre & habouder en la personne de nostre trechier & trefainct cousin Christoffe Marquis de baden. Et pour considerations des grans & loyaulx seruices quil nous a fait & fait Journallement jceluy. Confiant a plain de ces loyaulte preudommie & bonne diligence. Auons commis, ordonne & estably commettons ordonnons & establissons par ces presentes nostre *lieutenant cappitaine general & gouverneur de nos dits pais & duce de luxembourg & conte de chiny.* Et auons audit nostre cousin de baden donne & donnons plain pouuoir & autorite & mandement especial des dits estas de noz Lieutenant Cappitaine general & gouverneur de nos dits pais de luxembourg & chiny tenir, exercer & deseruir vn par ces lieutenants a ce telz quil luy plaira y commettre faire, exercer desferuir, garder noz droiz Haultes & seigneurie & faire, & faire faire loy droit & justice a vng chacun qui len Requerra, garder, & faire garder noz villes & places des dits pais, y faire faire guet & garde par tous ceulx quant & ainsy quil apartiendra de contraindre a ce faire tous nos subietz des dits pais & autres qui y seront tenuz, ainsi quil est acoustume en tel cas Et generalement de faire toutes & singulieres les choses que au dit estat competent & appartient Aux gaiges telz & semblables quant au dit estat de gouverneur que les a eu & prins de nous parciueuant le *Sieur du say & les autres gouverneurs des dits pais.* Et aux autres droiz honneurs & preeminences prerogatiues libertez franchises prouffitz & emolumens y appartenans. Et en oultre de nostre plusamble grace Auons a nostre dit cousin de baden donne pouuoir & autorité par ces presentes de commettre ordonner & *Instituer en nos dits pais de luxem-*

bourg & chiny vng *Conseil* que lon appellera *le conseil ordinaire*, Et de y *ordonner*, pour lexercice diceluy *les personaiges* telz que y ordonnerons. Lesquelz gens dez conseil auront pouuoir & autorite de entendre & vacquer aux affaires de nous & de nos dits pais de faire droit & Justice a vng chacun dont Ilz feront Requis. Et generalement toutes les choses que ceulx du conseil des dits pais ont parci deuant peu & deu faire. En leurs ordonnant pour ce faire les gaiges pensions que desia leur auons promis & assigner par autres noz lettres patentes. Semblablement auons donne pouuoir & autorite a Iceluy nostre cousin de baden de *destituer si bon luy semble tous noz preuostz & autres officiers* qui quilz soient si auant Toutefuoyes quil trouuera par bonne Information & par ladvis desdits de nostre conseil a luxembourg quilz aient commis faulte en fait de leurs dits offices ou quilz ne soient y donne & propices a lexercice diceulx. En ce cas pourra mestre & Instituer en leurs lieux par maniere de prouision Jusques autrement y ordonnerons autre, tel que bon luy semblera, Et quil verra estre propre pour le bien prouffit & vtilité de nous & de nos dits subiectz. Et aussi porra nostre dit cousin destituer ceulx, qui feront ainsi par nous ou par luy commis toutesfois que bon luy semblera sil y a toutefuoyes causes raisonnables ainsi que dit est. Encores luy auons donne pouuoir & autorite & mendment par ces dites presentes de Reprendre & Remestre a nostre prouffit & demaines toutes Rentes, Reuenues exploitz de Justice prouffit & emolumens appartenans aux dits offices de preuost & autres que quilz soient, & qui par ci deuant estoient du demaine de nos dits predecesseurs, sans auoir Regard aux dons ou promesses que en pouuons auoir faitz a nos dits officiers ne autres en quelque maniere que ce soit Lesquelz

quelz se aurons eu ont este ou sont faitz cy apres pour quelque cause ne occasion que ce soit, nous auons Reuoque & appelle Reuoquons & Rappelions par ces presentes, Et voulons que le tout soit Remis & Reduict en nostre dit demaine ainsi qu'il a este du temps de nos dits predecesseurs. Auons aussi donne pouuoir & auctorite a nostre dit cousin de baden de *Reuoquer & Rappeller tous noz Receueurs general & particuliers* des dits pais de visiter tous leurs estas de comptes les corriger & diminuer & au lieu des dits Recepueurs y commettre vng ou plusieurs ainsi ou par la maniere quil verra estre le plus prouffitabile pour nous & pour nos dits pais Lesquelz Receueur ou Receueurs ne pouuent dorefenauant debourser ne paier aucunes somes de deniers a qui ne comment que ce soit, que prealablement ne leur soit ordonne par les gens de nos finances & par descharges ainsi que lon a accoustume de faire en nos dits finances. Et apres que les dites descharges leur seront baillez ne pourront encores aucunes choses paier sil ne leur est, aussi ordonne par nostre dit cousin qui aura Regard a faire paier les choses plus necessaires pour le bien de nos dits pais & subiectz. Et seront tenus les dits Receueurs de faire & conclure leurs estats & aussi de Rendre leurs comptes par deuant nostre dit cousin auant quilz les Rendent en nostre chambre des comptes ou Ilz ont accoustume des les Rendre & passer & apres de apporter & faire apparoir en nostre dite chambre des comptes des ordonnances & commandemens quilz auront eu de nostre dit cousin des sommes par eulx paiees, Lesquelles ne leur voulons estre passees en la dite chambre des comptes, silz nen font apparoir prealablement. Par dessus ce auons donne pouoir & auctorite a nostre dit cousin de dorefenauant *donner conferer & presenter tous benefices cures*

chappelles & autres estans en nos dits pais de luxemburg & de chiny a nostre collation disposition & presentation tout ainsi & par la forme & maniere que porrions faire, si en nostre personne estions Saulement Toutefuoyes que le Role fait ou a faire sur le fait des dits benefices aura son lieu & sera entretenu Et non pourra nostre dit cousin disposer en aucune maniere au prejudice de nostre dit Rolle Surquoy & de son bien & loyalement acquiter en lexercice des dits estats & offices nostre dit cousin de baden sera tenu de faire le *seriment en noz mains* si donnons en mendement a noz Treschiers & feaulx lez Chanceliers & gens de nostre grant conseil lez gens & commis sur le fait de noz demaines & finances les gens de noz comptes a bruxelles & gens de nostre conseil a luxembourg que les dits serimentz faitz par nostre dit cousin de baden. Ilz & tous autres noz Justiciers officiers & subiectz le facent souffrent & lassent des dits estats & offices plainement & paisiblement Joir & vser sans luy faire mestre ou donner aucun destourbier ou empeschement au contraire Mandons en oultre a nostre Receueur general de luxembourg present & aduenir que les gaiges appartenans au dit estat de Gouverneur Il paie baille & deliure dorefenauant chacun a nostre dit cousin de baden Et par Rapportant ces presentes vidimus dicelles fait soubz feel autentique ou coppie collationnee & signee par l'un de noz secretares ou en la dite chambre de noz comptes pour vne & la premiere foiz & pour tant de foiz que mestre sera quittance suffisante diceluy nostre cousin. Nous voulons tout ce que paie baille & deliure luy aura este a cause dessus dit estre passe & alloue ez comptes & Rabatu des deniers de la Recepte de nostre dit Receuer de luxembourg present ou aduenir que paie laura Par noz amez & feaulx les gens de nos dits comptes a

bruxelles auquelz nous mandons aussy que ainsi le facent sans aucune difficulte. Car ainsi nos plaist il. Non obstant quelque ordonnance Restrinctiõs mandemens ou deffences au contraire En tesmoing de ce nous auons signe cez presentes de nos noms & y faire mettre nostre petit signet en l'absence de nostre grant seal. Donne en nostre ville de Midelbourg le XX^{me} jour d'aoust L'an de grace Mil CCCC quatre-vingtz & huit, Et dez Regnes de nous Roiz Le tiers Ainsi signe &c. Maximilianns Et dessus le ploy Par le Roy & du secretaire de Gondtbarlt Et aussi sigillata de expresso mandato Regis Et an dez Le XVI^e. Jour du mois de septembre lan M CCCC LXXX & huitz Monseigneur le marquis de Baden fist le serement acoustume selon le contenu au Nome de cestes en mains du Roy nostre Seigneur Prefens a ce Reuerend pere en dieu Monsieur larcheuesque de Cambray Recepuant le dit serement de preuost de marschalt Ichan faiz & autres plusieurs. Ainsi signe de Mandato Regis ad Relationem consilii.